

## Mattup ki Pool yi riije a ɗonj a Kolos

*Ej urzi k'ono* ɗonj kun t'oone adda mattup ettiyo

Ette mattup ki pool yi riije a ɗonj i ziipe addan a Isa a geeger Kolos. Yode batum ki Kolos yi k'iide ye, wo y'a illiga ɗonj i ziipe addan a ummey geɗ, an seedu zakidɗi a urzi zaapu k'adde a Isa me. Geɗ Epapiras yoɗ wede an sooru soo ti Pool, an gizite urzi Rabila Majjaanawa ki poone me.

*Ozzinagi miibi k'ita man,* ɗonj doolo an d'iide ki Kolos, a ɗonj geeger gette an an di gizite ono ɗonj ti doolo a ki t'iide a Rabila Majjaanawa ere ki Epapiras y'an gizite gettiyo ye. Duwo geɗ an an di ruute, wede yi dehu Raa y'a y'utte man, y'an d'ottila a maaleekiyagi wo a sulɗi ɗonj i ceeriyo ɗonj tudde. An an di ruute soɗ, an di walɗa ponde wo sulɗi ɗonj ongo k'omɓo ulu. Epapiras y'illiga man, y'a iide y'a uuney Pool a geeger Room yoɗ dangay, man yi di t'iide taaya. Aame Pool y'illiga injkino man, y'an di riije mattup kono y'an di kize a ɗonj Kolos geɗ, wedusu yi t'oone uttiyo t'urzi zaapu k'adde a Almasi ɗanɗal.

### *Toose ki Pool*

<sup>1</sup> Mattup ette i raaniya nuɗ Pool wede zina k'Isa Almasi aa Raa yi dehu, nuɗ ti leemadin Timote, <sup>2</sup> a kune ɗonj ki Raa a geeger Kolos\*, kune zamba ɗonj daayum i seedu zakidɗi a Almasi, i lekkiyo kettiyo kanj soo ti yode. Geɗ beeko ti toose ere ki Meeginj Raa i koonaa egguj.

---

\* 1:2 1.2 Kolos gette geeger neɗko ki siidoo Pirizi a kese peedo ti koliyo ki geeger k'Epez, k'a ozire kubbaara meeda sire doo minj k'a ti t'oone kollo.

*Pool yi tonɗiyo Raa kono zemɓa a Kolos*

<sup>3</sup> Adda tonɗiyo Raa ere daayum kaye ay tonɗiyo kono kune gette, ay rootiyo koɗuwo a Raa Meeki Galmeegiŋ Isa Almasi, <sup>4</sup> kono ay illiga a lekkiyaguŋ ere kun zaapu adduguŋ a Isa Almasi wo kun'ni geyyiso ɗoŋ pay ki Raa me. <sup>5</sup> Kun isiyo injkino kono kun zaapu elkisaguŋ a munɗa wede Raa y'un boohiyo a kandaane. Zaapu k'elkisaguŋ gette, kun ti zuune t'urzi k'ono ɗoŋ ɗerec ki Rabila Majjaanawa aame t'iina di kune geŋ me. <sup>6</sup> Rabila Majjaanawa gette ti-teepiyo adda siidɗo pay, ti d'aagulu aa undumu y'ohire wo yi d'ehiyo inŋi. Geŋ injkino a t'aaze di kune ti onniyo ere ki poone, kun d'illiga ono ɗoŋ ki beeko Raa, wo kun di zuune geŋ ɗerec. <sup>7</sup> Dooyiso gette unni duuye Epapiras leema wede ki geyyiso, yode wede naabadey kaŋ soo. Yoŋ daayum yi seedu zakidɗi a naabo k'Almasi ere y'isiyo a kune te. <sup>8</sup> Yoŋ y'ay t'iide taaya a geyyiso ere Unde Raa t'un ele adda k'adduguŋ gette.

<sup>9</sup> Kono kamo ti onniyo ere ay illiga rabilaguŋ geŋ, kaye toŋ ay k'ooliyo ye ti tonɗiyo Raa kono kune me. Ay yi tonɗiyo y'un di'n ôone ti suuniyo ki sulɗi ɗoŋ pay Raa addi i dehu, t'urzi pay ki suuniyo k'ono ti eego soodo a elkiso kane ɗoŋ Unde Raa t'un ele. <sup>10</sup> Injkino maŋ kun d'aane kun di lekke aakede ɗoŋ i daaniya urzi Galmeega an di lekke, wo daayum kun d'ise munɗa wede ulbi i-d'ise uŋse. Geŋ kun d'isa naabo pay ere tuuku beehiye wo Raa kun di y' suuna adda k'adduguŋ a ceera ki ceeriyo. <sup>11</sup> Kaye ay tonɗiyo Raa y'un t'ele toogo a ume tuuku toŋ maŋ t'urzi toogadi ere meeda ki ki ti dooze ye gettiyo, kono kune a sulɗi pay kun di seeda zakidɗi ti ombiŋe bini ɗangu. <sup>12</sup> Kun rooto koɗuwo a Meega Raa ti uŋsuwo, yode wede un di'n ize ɗoŋ aane a t'ooney aggadaŋ t'adda sulɗi ɗoŋ yi boohiyo a kane ɗoŋzi adda mozikadi ere a toore gettiyo. <sup>13</sup> Yoŋ y'in di'n uɗɗe ti bey k'Ere toogo adda zimolo, wo

y'in di'n t'iide k'adda moziko k'Ulí, yoŋ yi y' giyye baadan.  
<sup>14</sup> T'urzi yode geŋ Raa y'in uɗɗe t'adda k'oldíko, y'in t'ize tambobino a oldíkadiŋ te.

*Almasi mozigo t'ekki sulɗi pay*

<sup>15</sup> Raa geŋ wenda yi k'aane yi ki y' wolle ye, wo in wolliyo  
 Almasi geŋ, yoŋ miŋ Raa koyok.

Yoŋ geŋ yi jiire sulɗi ɗoŋ pay Raa y'ikkima,

<sup>16</sup> kono t'urzi yode, Raa y'ikkima sulɗi ɗoŋ pay a kandaane wo a siidɗo,

sulɗi ɗoŋ in'ni wolliyo wo ɗoŋ in ki'n wolliyo ye toŋ maŋ,  
 kane undiyagi ɗoŋ pay a dandaane k'ume, kane ɗoŋ  
 deero, kane ɗoŋ an d'ede urzi ki dokkiyo wo kane  
 ɗoŋ an d'ede togo.

Kane pay geŋ an ikkima Raa t'urzi k'Almasi wo a Almasi.

<sup>17</sup> Yoŋ ede too ki poone Raa y'a okkima sulɗi pay geŋ me,  
 wo t'urzi yode kane sulɗi pay geŋ an d'ohire a umayaŋ  
 me.

<sup>18</sup> Yoŋ eego, wo tuddí kane ɗoŋ pay ogiyo ti suma k'Isa.

Yoŋ eesiyo ki sulɗi pay,

yode wede i-bilɗe ki poone wo ki daayum ti diine ɗoŋ  
 unto,

kono y'a koone wede goole t'ekki sulɗi pay.

<sup>19</sup> Derec, yo Raa batum yi dihe

sulɗi ɗoŋ pay adda k'addí wo a tuddí geŋ, a tukk'Ulí toŋ  
 iŋkino ede pây,

<sup>20</sup> wo t'urzi yode, Raa y'a dihe sulɗi ɗoŋ pay y'ikkima,  
 ise a siidɗo ise a kandaane toŋ, an di-kimo an di t'okkiye ti  
 yode Raa.

T'urzi puuzo k'Ulí ere ibi ekk'undumu wede zaapu t'ekki  
 bakadí kaŋ tontilko geŋ, Raa y'an d'ele toose.

<sup>21</sup> Wo kune toŋ ti kaaga kun likke aa torgagi dokki  
 ti ɗaana Raa me. Kune ɗoŋ k'aduzí, kun d'ilkite kun  
 d'ise oldíko, wo oldíko kun ti t'ize. <sup>22</sup> Wo aŋkeŋ, t'urzi

k'unto k'Ulí ere ki tudde gette, Raa y'un ti'n gimo kun t'ukkiye ti yode. Y'ize in'kino kono y'un di'n t'etta d'aaanadí kune d'oj kamilen, daa k'old'iko munda, d'uwu an k'ambe sundugun k'ulsuko ye. <sup>23</sup> Wo geɲ i dehu kun di seeda daayum zakidi wo toogo a urzi zaapu k'addugun a Isa me, wo kun gi di le'de dokki ye t'urzi Rabila Majjaanawa ere in zaapu elkisadiɲ eego gette. Tode ere kun illiga, an di gizite a d'uwu adda duniya pay, wo nuɲ Pool eɲ n'a t'ize wede naabo kono ni kazita rabila gettiyo.

*Naabo Pool a d'oj ogiyso ti suma k'Isa*

<sup>24</sup> Ankenɲ nuɲ ulbó unse a dabaradó ere n'ooniyo adda naabo ere n'isiyo a kune gette. In'kino maɲ adda tuddó n'a-ti d'ange dabar k'Almasi ere yi ni wiike n'a dabire kono tuddí te, wo to tuddí tin kane d'oj pay ogiyso ti suma yode. <sup>25</sup> Nuɲ ni t'ize wede naabo ki d'oj pay ogiyso ti suma k'Isa, a-t'ette a naabo ere Raa y'o ele a beezó ki noogiyagun: nuɲ n'un di kizite ono Raa pay. <sup>26</sup> Ono geɲ kane munda wede t'ume k'eesiyo ombide a d'oj pay, wo ankenɲ Raa y'an t'iidiba ita a d'onzi. <sup>27</sup> Raa y'a dihe y'an di y' kize a d'onzi munda wede ombide geɲ, yon goole i jiiire wo laalayí baadaɲ, Raa yi y'ize a nooga kane d'oj pay Yawudiyagi ye. Wo kun wollo munda wede ombide geɲ, yon Almasi adda k'addugun, t'urzi yode kun di zaapu elkisagun a gooliko ere ki Raa gettiyo, kune ton adda kay. <sup>28</sup> In'kino maɲ kaye ay kazita rabila ki yode Almasi a d'uwu pay. A wede tuuku ton ay yi di tookiyo kuudí wo ay di y' dooyiso t'urzi suuniyo k'ono d'oj pay, kono kane pay an t'ise d'oj i-dirse a urzi lekkiyo ere kettiyo kaɲ soo ti Almasi. <sup>29</sup> Geɲ in'kino ni naabiya wo ni d'eyyiso ti toogo ere k'Almasi y'o ele, tode gette ti naabiya adda k'addó ti toogo.

## 2

<sup>1</sup> Injino maɲ nuɲ ni dehu kun di suune ɗeyyiso ere zakidɪ ni ɗeyyiso kono kune, kono ki ɗoɲ Raa a geeger Lahodise\* wo kono ki ɗoɲ Raa ɓaadaɲ oɲgo nuɲ batum t'edayar an ki n' wulle ye. <sup>2</sup> Ni dehu addar i-t'ôone ti toogo, an di lekke kettiyo kaɲ soo a urzi geyyiso tuddar wo ôoniyo ti eego soodo a elkiso. Injino an di y' suuna munda wede ombidɛ ki Raa me, yoɲ Almasi batum. <sup>3</sup> Laale pay wede ki suuniyo k'ono wo ti suuniyo gette, kane ombidɛ a bey k'Almasi. <sup>4</sup> Ni raariya injino kono wenda soo toɲ y'un ti'n mabilɗa ye t'urzi k'ono ɗoɲ k'a t'eese ɗerec me. <sup>5</sup> Derec, nuɲ dokki ti kune me, wo toɲ elkisadó daayum ti kune, wo nuɲ ulbó unse a munda wede n'ollige, kune kun sooru ki diine kaɲ soo wo kun seedu zakidɪ a urzi zaapu k'addugur a Almasi me.

*Lekkiyo ere kettiyo kaɲ soo ti Almasi*

<sup>6</sup> Kune kun umbe Isa Almasi yoɲ Galmeega geɲ, injino kun oziro daayum kettiyo kaɲ soo ti yode, <sup>7</sup> aa undumu sondayzi i ti ɗiige, wo kun zaapo addugur a yode aa wedusu yi zaapu boy itadi zakidɪ. Kun soodo daayum zakidɪ a urzi zaapu k'addugur a Isa wede an unni duuye genno, wo kun rooto koduwo a Raa t'addugur pay.

<sup>8</sup> Kun koono mentikagi, kun i oola urzi a wenda soo toɲ y'un ti'n mabilɗa kun t'ooraa adda k'ikka ki suuniyo k'ono ɗoɲ daa k'urzizar genno ye. Suuniyo k'ono gette t'ettiyo t'urzi k'elkiyo ere ki duwo wo t'urzi k'undiyagi ɗoɲ toogo i-dokkiyo duniya genno, tode gette t'ettiyo t'urzi k'Almasi ye. <sup>9</sup> Ni rootiyo injino kono Almasi a tuddi ere aa ki wedusu gette, sulɗi ɗoɲ pay adda k'adde Raa wo a tuddi geɲ, a tuk'Almasi toɲ ede pay. <sup>10</sup> Wo kune munda un

\* 2:1 2.1 Lahodise: Geeger ita waaya ti geeger Kolos, adda polɗe ki Likus.

ki'n biite ye a urzi k'Almasi me, kono kun aa ti gitte kaŋ soo ti yode, yoŋ goole t'ekki kane dfoŋ pay an d'ede urzi ki dokkiyo wo t'ekki kane dfoŋ pay an d'ede toogo.

<sup>11</sup> A lekkiyo ere kaŋ soo kun aa ti gitte t'Almasi gette, aakede kun uune waldu ponde, waldu ere ti bey wedusu ye, wo waldu ere ettiyo t'urzi k'Almasi. Waldu gette y'un ize aame munda wede adda tuddugun y'un di'n t'ettiyo k'adda k'oldiko geŋ, y'un ti y'udde. <sup>12</sup> Kune an unni zuyye batem geŋ aakede an un ti'n ittiba kaŋ soo ti Almasi†, wo kun di-bilde kaŋ soo pay ti yode me, kono kun umbe a toogo ere ki Raa a bilde Almasi ti diine dfoŋ unto gettiyo. <sup>13</sup> Kune ti kaaga eggun aa unto a daana Raa me kono kun aa ti diipiida a urzizi, wo kono munda wede adda tuddugun y'un di'n t'ettiyo k'adda k'oldiko geŋ yoŋ botto daa k'adfiya. Wo ankeŋ kune Raa y'un ti'n bilde kaŋ soo ti Almasi me, y'in t'ize tambobino a doopidadiŋ pay ere in aa ti diipiida a urzi Raa geŋ me. <sup>14</sup> Raa geŋ mattup ere yi-kaza oldikadiŋ t'inni sakiysa gette y'a-t'iide mentu baa, tode ere adu ti kine kono a urzi k'oogoro Raa. Yi-t'iide aame Almasi an ti y' tiike ekk'undumu wede zaapu t'ekki bakadi kaŋ tontilko. <sup>15</sup> Soŋ undiyagi dfoŋ an d'ede urzi ki dokkiyo wo dfoŋ an d'ede toogo toŋ, toogadaŋ Raa y'an ti diggite aame yoŋ y'anni jiire t'urzi k'unto k'Almasi ekk'undumu geŋ me, y'a ti'n wiire a daana dfoŋ pay aakede an zidfo bulagi t'ume k'arka.

<sup>16</sup> Injino maŋ kun i oola urzi a wenda soo toŋ yi dekka booro eggun a urzi k'ombo ye, ise a urzi sofo, ise a urzi laayagi, ise a urzi k'aagulu tere, ise a onniyo ere ki puukiyo toŋ maŋ. <sup>17</sup> Kane pay geŋ Raa y'in elo aa undiso ki munda wede saŋ a etto, wo munda wede derec ki kotto miŋ, yode Almasi. <sup>18</sup> Kun i oola urzi a wenda soo toŋ y'un ti'n dagga

---

† 2:12 2.12 Kun wollo adda mattup ki Romeŋ 6.4.

ye, y'a t'eesa aggagun umbo a kandaane me. Kane geɗ a ɗaana ɗuwo an ti t'isiyo tuddan ɗon i ki koliyo tuddan ye, wo soɗ ulban unse an ottilso a maaleekiyagi. Kane geɗ an aa seedu zakidɗi baadan a munda wede y'an ettiyo aa suniye. Kane ɗon injino geɗ ti elkisadan ere a urzi tudde gette, an koliyo tuddan ki makilsa,<sup>19</sup> an ki dehu an ki lekke kettiyo t'Almasi ye. Ki too man Almasi batum yon eego ki ɗon pay i ziipe addan a yode, kane geɗ tuddi. Kune kun suune eego gette ti modɗiyo tudde pay, wo t'urzi tode okilagi ti sondayi an ti t'okkiso tudde pay kan soo, ti d'ohire aa Raa yi dehu. Geɗ injino kay ki kine ɗon i ziipe addin a Almasi me.

### *Unto wo balɗiya t'Almasi*

<sup>20</sup> Kune t'ume kun aa ti gitte kan soo ti Almasi geɗ, aa kun t'inda ti yode, wo y'un di'n uɗɗe ti bey k'undiyagi ɗon toogo i-dokkiyo duniya me‡. Wo ɗe ki moo me kun di lekkiyo aakede kune a bey k'undiyagi ɗon i-dokkiyo duniya sey me? Kun d'oyyiso kun di daaniya ita k'urziyagi k'oogoro ɗon aakede: <sup>21</sup> «Munda en k'ambu ye», «Munda en k'owwiyo ye», wo «Munda en ki bottiyo ye» sey me. <sup>22</sup> Urziyagi geɗ an rootiyo ti sulɗi ɗon san i-t'enjilso aame ɗuwo an ti'n isiyo man. Kane geɗ urziyagi k'oogoro wo dooyiso ere ettiyo t'urzi ɗuwo ɗanɗal. <sup>23</sup> Kane an un rootiyo: kun di daane urzi Raa wede kane ɗuwo batum an ilkite, soɗ kun ti-t'ise tuddugun ɗon i ki koliyo tuddan ye, wo kune batum kun dabirsa tuddugun. Derec, urziyagi pay geɗ a eda ɗuwo an t'isiyo beehiye. Ki too man kane ki bita, kane beehykadan tin a urzi wede tudde ti dehu ɗanɗal.

---

‡ 2:20 2.20 Kun wollo adda mattup ki Galat 4.3.

## 3

<sup>1</sup> Kune Raa y'un ti'n bilde t'Almasi kaŋ soo, injino maŋ kun deho suldi doŋ a kandaane, a ume wede Almasi yiguune a ammade Raa\*. <sup>2</sup> Kun d'elke ki poone a suldi doŋ a kandaane, a suldi doŋ a siido ye. <sup>3</sup> Derec, kun t'inda t'Almasi kaŋ soo, wo lekkiyaguŋ ere aware Raa y'un ele gette itatú i ki t'iidiba ye botto, tod'te t'Almasi a bey Raa. <sup>4</sup> Lekkiyaguŋ ere aware gette, un t'eliyo Almasi ki daayum. Injino'ŋ aame y'iina y'an ti giza tuddí a ōuwo maŋ, kune toŋ Raa y'an di kiza tudduguŋ a ōuwo ti yode Almasi kaŋ soo, wo doŋ pay an di wolla daryikadí gette kune toŋ adda.

*Lekkiyo ere ti kaaga wo ti ere aware*

<sup>5</sup> Injino maŋ suldi doŋ pay ulpi a lekkiyaguŋ ere a siido gette, kun ti'n addo mendaŋ ti biza k'ulbuguŋ me, suldi doŋ aakede: boliyo, suldi pitinjo, naapu, suldi doŋ ulpi tudde ti dehu, wo okkiso a suldi pay. Suldi doŋ kee k'okkiso eego geŋ, i t'ize longayzá i jiire Raa. <sup>6</sup> Ita k'oldfiko ere injino, kulkuwo Raa ti-ōeegu a tukki doŋ i-ti toogiyo a yode me. <sup>7</sup> Geŋ kune toŋ kun izire injino aame ti kaaga kun likke adda k'oldfiko geŋ me.

<sup>8</sup> Wo ōe ankeŋ, kane pay geŋ kun di sebbo darguŋ, suldi doŋ aakede: kulkuwo, zehiso kulkuwo wo bundiko. Soŋ kaldita tudde, ise ono doŋ ki sukuyagi toŋ i k'adde ye ti biziguŋ me. <sup>9</sup> Kun lihite ono ti tudduguŋ ye, kono lekkiyo ere oldo ti naabatú pay kun t'iili, <sup>10</sup> wo kun t'umbe lekkiyo ere aware. Geŋ kune ōuwo doŋ aware, wo Raa yi naabiya daayum adda k'adduguŋ kono kun deeye aa yode wede unni ziipe. Y'isiyo injino kono kun di y' suune a ceere ki ceeriyo. <sup>11</sup> Ankeŋ áhuntu tudde umbo a edayí me, ise eŋ Yawudiyagi, eŋ Yawudiyagi ye, ise eŋ doŋ i wilda ponde,

\* 3:1 3.1 Kun wollo adda mattup ki Soom 110.1.



enɔ ɔɔŋ daa walɔu, ise enɔ ɔɔŋ daa suuniyadaŋ, enɔ ɔɔŋ k'ita ɔuwo aa seyɔi, ise enɔ bule, enɔ bule ye toŋ maŋ, wo munda wede a di jiire pay Almasi, yoŋ yi lekkiyo adda k'adde ki ɔɔŋ pay i ziipe addaŋ a yode.

<sup>12</sup> Kune Raa y'un ti'n ize ɔɔŋzi, y'unni biire wo y'unni giyye baadaŋ. Kono kamo kun iso naabo ere aakede: kun wollo sommagi ɔuwo, kun iso beehiye, kun kili tuddugun ye, kun koona ɔɔŋ tasse wo ɔɔŋ an d'ede ombiŋe. <sup>13</sup> Ise wede tuuku ti lekkiyadi lekkiyadi toŋ kun sooɔo tuddugun, wo aame wede ti diinagun i-d'ede ono ti bakadi maŋ, an aa t'iso tambobino ti tuddaŋ me, aa Galmeega y'un t'ize tambobino a kune pay. <sup>14</sup> Wo t'ekki sulɔi pay geŋ kun geyyo tuddugun. Geyyiso tod'te aa sibe wede un ti'n kettiyo kune pay biŋ biŋ.

<sup>15</sup> Geŋ toose ere k'Almasi ti dokko biza k'ulbugun. Geŋ inɔkino Raa y'unni wiike kun di lekke pay adda toose gettiyo, kono kune tudde soo. Wo Raa kun y'elko daayum. <sup>16</sup> Geŋ rabila k'Almasi ti laalatɔ pay i lekko adda k'addugun. Kun dooyo tuddugun, kun tooko kuude ti tuddugun ti suuniyo k'ono ere pay. Kun ooro wo kun rooto koɔuwo a Raa t'addugun pay t'urzi k'orɔfari ɔɔŋ ki tamma Raa, ti orɔfari ɔɔŋ k'ono Raa wo ti ɔɔŋ ettiyo t'urzi k'Unde Raa. <sup>17</sup> Sulɔi ɔɔŋ pay kun ise geŋ, ise t'urzi rootiyo k'ono ise t'urzi naabo toŋ maŋ, kun iso a suma ere ki Galmeega Isa, wo t'urzi yode kun di roote koɔuwo a Meega Raa.

### *Urzi lekkiyo ere aware*

<sup>18</sup> Ni rootiyo a kune erayi, kun kili t'ekki kuulugun ye, inɔkino beehiye aakede ɔɔŋ i daaniya urzi Galmeega an d'isiyo.

<sup>19</sup> Ni rootiyo a kune kuuli, kun geyyo eraygun, kun an ise baaze ye.

<sup>20</sup> Ni rootiyo a kune in̄ni, kun ollo ono pay ki maawugun̄, geḡ munda wede Galmeega ulb́i i-d'ise un̄se.

<sup>21</sup> Ni rootiyo a kune maawi, in̄nigun̄ kun ti'n kulkuwe ye, para maḡ tuddaḡ a rorriga.

<sup>22</sup> Ni rootiyo a kune ḡulagi, kun ollo ono pay ki galmaawugun̄ ḡoḡ a siid̄o. Kun ise in̄kino aame kane a ḡaanagun̄ kono ulbaḡ an d'ise un̄se ḡoo ye, wo ḡe kun ollo onamaḡ t'adde soo kono kun orgiso a Galmeega Isa. <sup>23</sup> A naabo ere tuuku kun isiyo gette, kun ti naabo t'addugun̄ pay aa kun naabiya a Galmeega batum, a ḡuwo ye. <sup>24</sup> Kun ise in̄kino kono kun suune kun t'ooney munda wede Galmeega yi dehu y'un t'eley t'adda sulḡi ḡoḡ yi boohiyo a kandaane a ḡoḡzi. Geḡ Galmeega wede kun i-naabiya miḡ, yoḡ Almasi. <sup>25</sup> Wo a wede i ki sooru ki diine ye geḡ, Raa yi-t'ela daḡgay a sooruzí ere ki diine ye gette, kono Raa geḡ y'inni wolloiyo kine ḡuwo pay miḡ kaḡ soo†.

#### 4

<sup>1</sup> Ni rootiyo a kune galmaawi, kun an iso beehiye a ḡulagugun̄ me a urzi wede ki diine ḡferec, kono kun suune kune toḡ un d'ede Galmeega a kandaane.

#### *Kooke Pool wede ki daḡgu*

<sup>2</sup> Kun sood̄o zakid̄i a urzi tondiyo Raa, adda tondiyagun̄ kun lekko zeere wo kun rooto daayum koḡuwo a Raa. <sup>3</sup> Wo aame kun tondiyo Raa geḡ, kun tondo kono kaye p̄ay, kono y'ay di t'ihina urzi ay di kizite onamí a ḡuwo, kono ay di roote munda wede ombid̄e Raa y'a t'iid̄iba ita t'urzi k'Almasi. Geḡ kun suuno, kono ni gizite onamí, aḡkeḡḡo nuḡ adda daḡgay me. <sup>4</sup> In̄kino maḡ kun tondo Raa kono rabila k'Almasi te n'a ti roote kereḡ, i dehu n'a-t'ise.

† 3:25 3.25 Kun wollo adda mattup ki Deeterenom 10.17.

<sup>5</sup> Kun lekko ti suuniyo k'ono a ðaana ðoŋ i ki suune urzi k'Almasi ye me, a peedfo ere tuuku kun uune a ðaanaguŋ maŋ. <sup>6</sup> Ono ðoŋ adðe ti biziguŋ geŋ aase uŋse ti sumadizaŋ, wo kun suuno kama k'ono t'urzi wede beehiye a wede tuuku toŋ maŋ.

*Toose ki Pool ere ki ðangu*

<sup>7</sup> Tisik leemadey wede ki geyyiso ay naabiya kaŋ soo a urzi naabo Galmeega me, yoŋ wede naabo yi seedfu zakidfi a naabo Galmeega geŋ, rabiladó pay y'un di-t'eley. <sup>8</sup> Injino maŋ nuŋ ni y'agisa toc miŋ, kono y'un di kizey mummino ay lekkiyo me wo y'un di-tasseŋ adduguŋ. <sup>9</sup> Yoŋ an'te ti Onezim leemadey wede ki geyyiso, daayum yi seedfu zakidfi a urzi k'Almasi, yoŋ ti diinaguŋ. Kane geŋ an un di-t'idey taaya a suldfi pay ðoŋ isiyo a eŋno.

<sup>10</sup> Aristarko wede adda dangay ti nuŋ eŋ y'un t'ize toose, wo Markus taasa ki Barnabas\* toŋ y'un t'ize toose pây. Yode wede n'un ruute kun d'isey mummino ti yode aame y'iiney di kune maŋ. Aame y'iida di kune maŋ, kun yi soodfoŋ bey sire. <sup>11</sup> Isa wede sundi soo Zistus toŋ y'un t'ize toose pây. Ti diine Yawudiyagi ðoŋ i ziipe addaŋ a Isa geŋ, kane adfo geŋno ðaŋŋal i naabiya ti nuuno a urzi Moziko Raa me. T'urzi kane geŋ ni d'uune toogo ðaadaŋ.

<sup>12</sup> Epapiras wede naabo k'Isa Almasi yode toŋ ti di kune, y'un t'ize toose pây. Adda tondiyadi ere kono kune gette, yoŋ daayum wehini yi k'ormiyo ye. Yi tondiyo Raa kono kun di seeda zakidfi, kun t'isa ðoŋ i-dirse a urzi k'Almasi, wo ðoŋ iyye aase suldfi ðoŋ pay aa Raa addi i dehu. <sup>13</sup> Nuŋ batum ni wulle t'edayo y'oodfibe yeebadi ðaadaŋ kono kune, kono ðoŋ geeger Lahodise wo kono ðoŋ geeger

---

\* 4:10 4.10 Markus taasa ki Barnabas: I-kaza Markus geŋ miŋ ulo leema meegi Barnabas koo, ulo ki tema mekki Barnabas koo maŋ, daa suuniyo.

Irapoli† pây geŋ me. <sup>14</sup> Lik wede ki geyyiso yoŋ wede daawiya, kane ti Demas toŋ, an un t'ize toose pây.

<sup>15</sup> Kun an t'iso toose a zembâ dŋ ki Lahodise, ti teema Nempa wo dŋ ogiyso ti suma k'Isa adda boytú toŋ, kun an t'iso toose pây. <sup>16</sup> Aame mattup ere n'un raaniya ette kun ti girey maŋ, kun an t'agiboy a dŋ ogiyso ti suma k'Isa a Lahodise, an di-garey kay. Wo zembâ dŋ a Lahodise toŋ mattup ere n'an riije gette an un d'eloy, kune toŋ kun di-garoy kay. <sup>17</sup> Aŋkeŋ kun i-ti rooto a Arsip geŋ y'a soodŋo zakidî a naabo ere an i ele a urzi Galmeega gette, y'a ti-dango ti beehiye.

<sup>18</sup> Kun wollo ume ki toose ki nuŋ Pool eŋ, i riije nuŋ batum ti beezó. Un danŋe ye nuŋ adda dangay me.

Geŋ beeko Raa ti koonâ eggun.

---

† 4:13 4.13 Lahodise ti Irapoli: Kane geŋ sirwan pay geegiryagi ita waaya ti geeger Kolos, adda polŋe ki Likus.

## Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23